

花
宜
館
詩
鈔

花宜館詩鈔卷之三

錢塘吳振棫宜甫

古今體詩九十七首

起癸未春
盡甲申春

開帆

幾日椒盤慰寂寥
官程催客放輕橈
開帆風滿潮初上
夾岸山明雪未消
春入故園翻索寞
夢看衰髮更蕭聊
眼前已是天涯路
愁壘難憑越酒澆

富陽

春色不能畫
青山滿富陽
潮聲一夜雨
隨夢下錢唐
渚月依帆落
林風入磬長
野梅三兩樹
猶似故園香

桐廬

瀟灑桐廬縣征帆第幾程潮痕沒春草山勢俯孤城樹
暝雲無罅江空雨有聲牽笻讀若彈就漁浦船尾乍鳴鉦

大風進瀧口

水勢東趨海顛風卷卻迴斜灘飛陣石孤棹撼晴雷樹
遠高帆出沙平小市來塵勞愧真隱不上釣魚臺

西臺

正氣文山後艱難託隱淪乾坤無淨土慟哭贍遺民
髮殘篇在招魂戰鬼新誰歌竹如意朱鳥下江濱

視日

視日已當午飯香吹柁樓雞聲短籬外風色急灘頭村
屋初歸燕晴沙亂泊鷗詩懷清絕處漁唱隔烟洲

捕魚歎

捕魚不用舸與舠編竹作筏何堅牢一頭貼水青拖梢
一頭縛急軒然高厥長三丈濶踰尺兩腳以外飛波濤
波濤激石白齒齒撇漩更比掛帆駛狂呼拍手下前灘
烏鬼翻身入波底一人一筏巡百市百筏百人圍忽合
纖鱗巨鬣無處逃日暮人聲水聲雜嗟哉竭澤古所訶
今人巧取術轉多一朝魚盡生計斷始悔貪求非勝筭

自常山至玉山

漠漠茶烟青一里幾村店客子青竹兜小憩了不厭芳
蕘溼寒姿全樹綠猶欠疏疏綴花當稍覺春氣醞雛鳩
呢雨緩巾角未須墊晚投縣樓東竹榻各分占溪魚可
憐紫一飯易屬饜陸行亦何勞絕勝風蒲帆

弋陽

炊烟裊殘照歷歷見人家雲護仙壇古江流弋字斜新
腔移竹肉歸榜足魚蝦客夢原難穩非關碓舍譁

停舟

雪消彭蠡壯春流遠色蒼茫一望收萬木有聲風斷渡
孤村如畫客停舟荒荒月出魚龍醒耿耿燈孤嬾子愁

苦惜飛騰看短髮終思歌歎託滄洲

江行雪中作

風力春猶猛飛翻水氣昏帆收天際影門掩雪中邨妻
勸餘盃盡奴分敝溫溫莫驚沙上鴈憐爾亦羈魂

獨遊滕王閣

珠簾畫檻尙岩薨帝子蒼茫不可招樹外匡廬迴暮鴈
雨中湓浦接春潮詞場意氣空揮灑幕府風流久寂寥
獨把烟雲閒領略瓦盆沙岸就漁樵

樟樹鎮王文成公誓師處

鼓角十三營江波撼戰聲君王空好武儒者始能兵名

大讒難雪功成涕轉傾從來擊狐鼠難過翦長鯨

浮湘

編郎唱鴈客浮湘何處涔陽與岳陽

聖代有才無放逐古人不死是文章
曹騰三月春將暮
哀怨千秋草尚香
誰解閒身就漁父
空留明月照滄浪

舟中偶成

江上移舟霽色澄
杏花榆莢散春塍
雲光夾日趨衡岳
樹色拖烟過醴陵
沙圻鼉身晴徙岸
月涼魚尾健逃罾
空誇醺滌秋香醖
百榼狂傾病未能

朱洲

客路不知春打槳風日好緩緩轉溪橋牛羊散芳草

竹鷄塘

竹鷄啼處滑春泥湘草如烟翦碧齊睡起一聲漁笛遠
片帆斜日洞庭西

至常德謀陸行暫僦逆旅卽已卯伊黔時所居也
有懷祝九蘅畦慶蕃祝卽同使黔者時提學廣

西

山禽勸客把吟鞭逆旅還留信宿緣月色寒生五溪外
樹身長過四年前玉堂回首如天上華髮傷心到酒邊
課士羨君多暇日驂鸞新錄付霞牋

雨宿桃源

暢好仙源客到遲山中鷄犬笑人癡
疏簾一夜濛濛雨已是桃花落盡時

槃瓠諸

精夫來媿徒來闌干十二高崔崔

夷人居屋有闌干十二之說

夷人

居山用山例上有太陽下有地長官盟我後或淪生兒
成驢女成豬長刀鑄自兒初生兒長過刀能佩兵朝磨
夕淬黔溪明黔溪明黔山橫漢官清夷人平

黔山雜述

西南入甌脫羣峭忽奔輳縱橫支幹分十九圖經漏崇

絃疊鈞鎖刻畫豁氛霧百狀斲渾淪一氣孕堅瘦但經
意想到未筭奇險構迤邐如屏張妥帖等孟覆形端從
臣笏氣猛戰士胄欲行不行龍將飛未飛驚爲陽闢陰
闔若神馳鬼驟脈急前後承勢仄左右救鎗舒脇側穿
空洞腹中透冷白搪孤銛純碧熨萬皺倒空壓鵬翼旁
突截馬脰直教地形窮方信天巧富仰掇星如棊俯聽
雷出竇嵐陰暗如夢雲氣怒欲鬪雨厓架垂虹一窾納
急溜迎曦谷含精裂壘石畫簷危陁歷漸盡餘勢蓄猶
厚稍稍疆場開草草室廬陋柱短石覆檐牆低版縮腴
屋頭鷄爭啼牀下豕忽狗畸零不成村雙隻或依堠窺

人闖狂魑奪路走驚狖深蘿頂陰闕怪樹雜色糅松液
胎人形丹汞達奇臭毒蕪愁鈎穿瘴藥懼攀嗅嗟茲黔
土瘡太半楚客餽醴畎割溝塍獠界雜銚耨天寒衣揜
胔日午甌絕餽引藤勸斟酌毀瓶招謫詬畚爭枯槎拾
碑禁啞泉漱睢盱心寡營寒苦骨易壽矧彼種人繁益
慨夷俗狙鑄刀先試人伏弩工殪獸縛楮招寡雌吹蘆
合蠻奏卜惟用荒茅處竟穴深笏剝牛神蒞盟放蠱鬼
伏兇險則鋌走疾怒卽羣吠嗾聆音耳如塞覩狀眼欲
瞋悴膚憐僕哀怖魄惜兒幼豈有險踰此而竟客來又
王程迫馳驅野食互勸侑帶悲移孔寬字失疥壁舊偵

遲絕鈴柝噀泥涸庖廩館人孰饋飧客邸轉匿綬宵驚
夢多麗鄉遠心自疚習勞健能任脫險禍誰宥但歌行
路難敢悔作計謬安得付剗夷曠蕩見宇宙

玉屏道中

萬里看春色蕭然客眼中亂鶯山店雨一蝶戍旗風歲
月驚飛絮凄吟共轉蓬終當決歸計蓑笠逐溪翁

宿鎮遠客舍是己卯年舊館

暫歇翻雲碧玉蹄灕陽四月草侵堤山爲城郭環三面
鎮遠無城前臨灕地有風濤壯九溪細柳繞營饒吹靜
水三面皆倚山蠻花覆岸估帆低憐余苦逐春前燕萬里來尋舊壘棲

重安江

不須帆艫競中流
巨纜橫江穩放舟
江上午晴風乍暖
亂翻雲影白于鷗

大峯洞

穹然覆大屋百畝
見摩谿向非神仙居
定復穴慘魃石壁
青查牙氣象入悲
怛冷雲蕩其中欲
去不得脫淪然迸
一窾飛作白龍活
深入尤冥茫曲折
幾程達大聲發鐘
鏞風勢捲空濶吐
溜據神虬救此一
村渴

村人人
洞汲水

重遊牟珠洞

攜筇秉炬昔年遊
從者曾驚谷絕幽
山寺再來僧已老

洞雲終古氣如秋地無昏曉陰陽割天與雕鏤渾沌愁
奇勝不曾探奧窔空教兩度駐征旂

洞極深遊者
率畏險而止

楊老驛

泉聲三百折送客下青山遠樹圍村暝孤雲帖石閒送
迎煩老卒居處託羣蠻野鳥忘霄漢朝飛暮自還

響琴峽

蒼厓剖雙闕一水入其阻清宵雨鳴沙高漲激如弩沈
沈陷深黑過鳥不敢舞天風一迴薄客耳太淒苦

貴陽道中

架架格格山鳥啼四月雨多秧滿畦行人下馬日將午

開徧一村紅刺梨

石板房

易瓦以石山居間有之此則比屋皆然遂名其地云

不陶昆吾泥不削黃州竹磨刀萬片割蒼雲差差鋪作
魚鱗蹙驚鷗飄瓦瓦不飛何須歲換茅龍衣微陰十日
春氣潤一簇碧襯苔花肥十家五家結鄰住黃鷄飛來
屋頭樹移燈牆角客閉門山雨浪浪無漏痕

自鎮甯至坡貢

真山如假山累石百千萬荒荒不戴土生氣天所靳樹
既無灌叢草亦不滋蔓但見石作花枯白圻圓暈蛾綠
入愁慘雲膚削肥嫩其色不可犯萬劍怒欲奮是如古

壯士遑復論姿韻升梯既無憑下坂亦易僨中伏不測
機生死爭尺寸馬行苦瑟縮用巧乃在鈍出山迫禺中
瞥見爨烟噴瘴癘欺空腸客子且強飯

耶岱

不識昆明路迢迢尙幾程人烟占諸嶺星氣逼孤城老
蝠燈檐影饑猿澗樹聲客魂殊未穩搢枕數殘更

大鐵關

今行蹉頓涉昨望駭崎嶇鑄鐵成千仞當關雄一夫天
邊孤堠出杖底亂雲扶畫手知多少奇情有此無

下拉邦坡至毛口渡河宿

高嶺森夏寒裘破尚可衣豈知毛口渡波浪熱如沸四
岸燦天時一步動地氣造化欺窮途簸弄吁可畏蕭條
晚投裝驛路入叢卉開窗驟驚鼠照壁暗綠蛩無聊謀
一飽儉味但椒藪思親馳尺素苦境語多諱猶恐開緘
時西望動歔歔

阿都田

古人多讐言安有巨靈掌如何長厓長一一壁爲兩石
聳鵬噉竊徑折蛇身枉何以酬饑疲凌虛得奇賞天慳
一旦破妙境爲客餉惜哉不傳翼絕頂未得上不然九
州外放眼更蕭爽過幽戒久留小憩餘力養

老鷹崖

蒼鷹饑搏人斗向馬前落仰穿瘴箐重俯瞰陰霞惡盤
空作勢怒難歛腳下山低青萬點雲吞霧噏弄精靈鶴
怨鸞愁避高險晨躋山椒暮至麓勞歌遠近聲相續熱
瘴噴空慘淡黃毒泉注澗迷茫綠老鷹當道旣予阻小
鷹側出復予侮老鷹崖下有小鷹崖愚公不來五丁死遂令此恨
成終古鷹乎不擊狐與鼠窟之宅之乃倚汝橫將氣勢
壓九州鷹乎鷹乎吾汝羞

雲裏

雲裏嶙峋見翠微山山都受白雲圍上坡卅里穿雲出

更有白雲頭上飛

劉官屯

一峯雲一抹雲外路應窮猿沐陰厓雨鷹盤大壑風山
厨隣市遠社鼓識年豐繫馬開荒驛孤燈向客紅

山僧

山僧留客坐門對青山開殷勤贈良藥道是鹿銜來

連峯

連峯若聚屯削壁忽孤蹲但覺乾坤隘安知岱華尊松
簷養靈氣星斗俯中原慎莫輕歌嘯高高傍九閭

入滇界路稍坦夷是日宿平彝縣

崎嶇歷三旬瘦馬疲屢駕青山落馬後脫險聊慰藉
息平彝縣歷歷望閭舍人烟帶樹色十里碧無罅泉聲
碓舍急花影驛牆謝一燈照蟲語瀟灑不知夏

書店壁

雲去山月來雲來山月去孤客未眠時青山最深處

雨後山行

長風蕩林樾五月有秋聲客起雨初止曉涼蟬乍鳴中
峯晴色轉破寺亂泉生莫過猿啼處恐傷羈旅情

大鼎山海潮寺

依山種松直到頂斜飛上天翠虬冷松陰斷處開精廬

一佛伴僧山上居門前海子風聲大

山下巨浸俗稱嵩明海子

浩浩

長天飛鳥過輕衫短策下山來白石如羊滿山臥

安甯州

地入連然縣村多獨錦蠻亂花春後路落日馬前山
駑父迎官去鹽郎結隊還青蛉川上水不共客心閒

姚州道中

行盡關山遠真誇意氣豪名川經梟棟古國問哀牢
風掠驚禽散星懸戍火高翻憐閉門日一徑守蓬蒿

夜發捨資比曉至六里箐

久役僕病尪一臥魂已死鄰鷄自苦啼夜半呼不起豈

不恤苦辛蓐食非得已東馬出店門踏險慎鞭箠緣山
行百折出入雲表裏流烟若波濤一壑白無底箐深失
星月鬼氣冷入髓冥行欲何託自嘆不知止有虎幸不
嗥枕石睡方美

安南坡

客子何勞勞山意自閒靜梯苔仄厓升過烏忭鞭影石
髓活新泉銅花繡荒礦蕭條絕樵汲五月氣淒冷遠揖
青崔崔日落定西嶺

定西嶺

卽昆彌山以沐平西得名又嶺之東南有故壘元滅大理時屯兵處

昆彌干仞鬱岩巖亂草連雲戰骨銷近喜關門通遠貢

嶺上漫尋碑碣問前朝紅泉轉壑山俱響翠磴摩天馬
不驕西去亦知蒼洱近那堪塵鬢已飄蕭

蒼山

不辭行萬里來看點蒼山驚瀑鳴秋亂奔雲挾雨還勢
能爭五岳天與鎮諸蠻媿我塵埃下相招戶牖間

晚坐頤雲垞

山禽倦知返暝色到庭松月上明懸瀑雲移過別峯風
簾秋浪細石鼎夜香濃吏事粗能了青燈與未慵

閱滇繫雜錄永明舊事而作

東方日出耀滄溟牛角山河燭火熒孱主爪牙羣盜賊

蠻天歌哭小朝廷
赭陘臺畔雲都散
舊晚坡前草尚青
誰把奇功覓封賞
金蟬風雨不堪聽

吳三桂以弓弦縊
永明於金蟬寺

孔雀

文禽南中產
音亮骨格穩
軒檻爲人娛
豎尾豔霞晚
遐睎炯星眸
烟衢匪云遠
胡戀蛇魚腥
坐令真氣損
文章空照耀
意態就偃蹇
吁嗟萬羽翼
所託爭枯苑
梟頭撩風狂
鷹翅決雲很
偶遭鳳凰睡
此輩快饑吻
爾當惜毛羽
毋與衆族混
饑飽何足言
幽勝在雲巘

嚴述四首

華楹具百戲
雕俎羅八珍
指使諸僮奴
佩服麗且珍
問

官所職掌實惟銅與銀朝上一紙書暮領十萬緡會稽
足課額可以娛嘉賓勿謂官豪華視昔官已貧頗聞有
某某憑陵居要津巨僚日相狎小吏不敢瞋積金北斗
高歌舞難具陳歌舞豈不歡事勢如轉輪朝廷固寬大
國法亦以伸事過三十年殘魄含酸辛官今當黽勉富
貴天所命叶鳩卮與漏脯智者終逡巡不見銅山下古
有饑死人

滇廠四十八寶路區瘠肥媼神豈愛寶苗脈有盛衰攻

采矧云久造物亦告疲甯台與湯丹

銅廠之最大者

今亦異曩

時比資烏坡銅鎚鑿遠窮夷

滇銅不足以蜀之烏坡小廠銅濟之廠在夷地

厥益衰竭徵課檄如馳何從獲硬硤

洞謂之嶠嶠石堅爲硤硬硬則久可

獲大間或得草皮

浮淺而少者曰草皮礦

鷄窩不滿萬

此諺語鷄窩礦出銅

之少餓鞘亦奚爲

餓鞘有苗無礦

長芟入龍窟水洩費不貲

洞有

積水百計涸之謂

之拉龍費曰水洩年年告缺額呵譴安敢辭我聞古銅

官坊冶各有司方今吏事繁難理如亂絲况復昇厥政

最殿較銖鎰既耕復使織蹙蹙安所施誰能劑虧盈法

美用意微上瞻九府供下給家室私官私兩不病治術

其庶幾

湯丹甯台二廠專員管理餘皆牧令兼其職

受事平其爭厥長凡有七

客長主官事課長主納課爐頭主爐火鍋頭主供食鑊頭

主鑊架洞長主鑊

硤炭長主薪米 錘手與砂丁是皆長所帥有犯則挾

之如奉令甲乙背荒何勞勞

開洞負土也

晝夜戒無佚帕首

縛一燈行若緣縫蝨仰攻亦俯入但懼引綫失

銅苗曰引綫

風穴竅餘衍

入深苦悶鑿風洞以疏之

廂木架疏密

洞慮下陷支以木間二尺餘支

之遠近以廂計

龍驚地軸裂一入不復出悲哉乾蟻子

枯腊黑于漆

洞陷則死者無筭屍不腐者曰乾蟻子

更聞扯火勤爐罩難

畢述

煎礦曰扯火煎紫板用美人爐將軍爐蟹殼用紗帽爐啞銅用火風太極爐銅夾銀用推爐鉛夾銀

用蜈蚣罩黑銅用蝦蟆罩罩者爐之別種金銀發猛氣浸淫爲癘疾去此憂

饑寒一死豈自恤爭尖與奪嘈刀劍鬪狂獠

東西異綫開采而同

得一礦則有爭尖奪嘈之事

一朝鳥獸散探胠入人室索之籍無名

山箐費窮詰持以問長官填撫用何術

廠主半客籍逐利來窮邊

出賃開采者曰廠主率皆入客籍其自稱曰客民

官報試采自竭私家錢欣然大堂獲繼以半火煎

礦最旺曰

大堂晚煎曉成謂之半火

抽課得羨餘三倍利自專百貨日厲集優

倡肆妖妍荒荒蠻嶂中聚若都市闐泥沙快揮霍變化
出汞鉛卅爐鑄橫財陶猗不足賢聞者饒涎垂擾擾蟻
集羶儼然師故智謂命豈在天叩囊出黃金一擲虛牝
填所願儻不償室家徒蕭然妻孥難存活伴侶空相憐
不如扶犁好猶得守薄田請看足穀翁饑飯飽卽眠

洱河漁船歌

東洱河西洱河百里淼淼漁船多我舸大扁長百尺小

船如刀掠波急赤文島畔揚帆過青沙
邊前移棹入望夫雲起吹怪風秋宵雨
白漁燈紅風風雨雨不得臥但祝魚身
比人大東洱河西洱河全家性命拚蛟
鼉蛟鼉戢影怒濤殺尺寸噎爭水中界
占來烟路岸偏長奪去沙汀網難曬訟
牘遷延吏索錢城中住久船先賣東洱
河西洱河漁翁偃僕頭毛皤簪簪不全
網又破漁嬾漁兒終日餓縣裏明朝比
魚課再拜還留火頭坐

催課者
曰火頭

蒼山神祠

昆侖蟠蜿山之宗走入滇國橫而縱左
蹲右踞九九峯歎歎雷電雲雨風昔者
立國詔氏蒙五岳四瀆境內封

凌岱跨華實匹崧厥後巫覡欺盲聾明禋謂奉蠻方龍
或黷或僭神其恫

聖清秩祀典聿崇祠宇屹屹大屋亶荆惇簪日春秋中
以祈以報惠我農神之來兮霞旌從駕以星駟轅雙虹
下眡黔首哀艱凶斟酌元化陰陽通胚渾庶物穫告豐
先熟者稑後熟種羊腸彈花細織絨民無天札邊無烽
庶甦佺瘠扶疲瘥郡守者誰拙且情坐耗官廩筭復稷
奔走拜跪難爲一一發迂論衆口訐日愆月咎叢其躬
補救乏術心忡忡神不吾助吾益窮作歌歆神神聽聰

偶成

寒綠叢叢茵露微縛茅蒼麓愛烟霏低檐貧女敲簪笠
婦女出必持蓋貧家則無不戴笠者大布溪翁蓋瘦衣
民多患瘦蓋瘦衣見蘇句絃誦
有聲知美俗戈鋌韜影息危機承平作吏真天幸莫爲
懷鄉減帶圍

游感通寺

野徑一溪分秋來多白雲微風木葉下清磬夕陽聞廢
殿惟蟲語孤松有鶴羣蕭然接禪誦暫喜遠塵氛

小除日作

鼓吹騰喧報歲闌城中無雪只輕寒梅花未落桃花放
歲酒香中亂插看

客枕

沈沈山氣養烟霞隱隱濤音雜鼓笳
蠶榼香分蒲縹酒酒以蒲縹產者爲佳吟窗春斷上關花
舊有下關風上關花之謬今絕無奇卉矣寺鐘聲盡書初掩客枕寒深雨正斜
每爲衰親成遠夢苦教芳草怨天涯

雜感五首

六慰三宣皆內屬百年控制事如何
星羅列郡山谿險地入窮荒虎豹多
莫謂徙薪非上客正同茹藥慎微疴
籌邊樓外風雲壯拊髀時時一浩歌

更有高黎共

山在騰越

一山直通驃國鎮諸蠻勞歌休唱蘭

津曲貢道新開鐵壁關百驛科徭從悉索三農耕堡要
寬閒似聞漢將西征日萬騎龍驤去不還

一隅甌脫著流亡卯育年年勢漸張李嶠有言宜設禁

太邱無術遭還鄉縣庭屢訟巴人芋邊事防爭楚女桑

但在域中非世外

客籍占種侵擾邊夷有世外人之稱

願迴日月照西荒

國計年年算水衡果然平準最難平上林頗缺三官鑄
下吏難辭萬里行蠻驛橫鞭經纓黻巴船出峽鬪蛟鯨

錙銖雖少非容易莫作泥沙看太輕

犖确岡頭草不肥中林猿鳥耐長饑金銀氣盡青山老

瘴癘春深白屋稀

疫癘流行謂之災疾居民率還居避之

地遠朝廷尤注

意禍生萌槩要知微何煩高論追三代但解苛嬈計未
非

荷鋤

荷鋤日未出白雲大於馬入山欲從誰山中採苓者

大理田家詞

水椿橫掛柳陰中涼入蘆笙一曲風側側山田真似繡
甜蕎花白苦蕎紅

賓川地暖早聞雷五月腰鎌割稻回不似江南芒種後
插秧天氣作黃梅

支渠曲曲灌村田萬畝勻分一脈泉新立水平官斷直

不須重到縣門前

山水支分各村資以灌溉曲防之訟時時有焉水平者立于分水處或木

或石而凹其中若鑄齒然廣隘高庫皆有定則水由是洩計畝均分所以平民之爭也

排成井字競分秧綠笠青蓑女伴忙日暮歸來溪雨響
踏波兩足白於霜

水田咿軋翻車聲山田無雨遲未耕爭道今年秧價賤

老農日日盼雷鳴

山田待雨而種者曰雷鳴田

百日豆肥堆嫩綠八棱瓜熟煮深黃呼兒晚飯柴門下
紅米新炊帶露香

采得花絨輒更輕羊腸細細戛絃聲松明欲燼寒宵短
蠶錦青紅織未成

碓舂臨溪急杵鳴勻圓粒粒勝吳秔微糧聞道供羸卒

負米明當入縣城

滇郡縣有徵兵米者大理所屬太和縣趙州亦然

門外飢豬豬欲肥田中逐鷄鷄亂飛背籠兒小但酣睡

割草日斜猶未歸

稻香風裏響連枷打鼓諫諫陌上諱閒殺老翁捫蝨坐

沙瓶濃煮感通茶

穫稻時田中鳴鉦鼓唱歌若以相勞苦者感通茶出感通寺

貢象行

巨象垂牙鼻倒縮小象蹢躅重千斛歎沙捲石山谷動
居人呼洶避入屋蠻奴騎象如騎牛牽控不假鞅與韉
象房新築憎卑庠饋芻饋米懼象饑象饑猶可病奈何

縣官跼蹐蠻奴訶蠻奴訶縣官起區區懷中金敢以辱
遠使奴言縣官可歸矣病象猶能行百里

野外偶作

歷歷春田鋤沈沈暮祠鼓不知何花開微香裊疎雨

雨中至趙州

雨多秋水綠平堤井字縱橫翠剡齊瘦馬能知長官意
行田不惜錦障泥

月街詞

有引

月街郡志所稱觀音市也在縣蒼山麓演武場
中以三月初十後集二十日散至期則遠賈雲

集百貨駢坐士女游觀且暮不休蓋一二百年
來率如是已

月街攔得步場寬三月清明暮不寒蒼麓烟昏人未散

海東明月大於盤

月街以十五
六日爲盛

蠶罽青紅處處鋪不誇瑟瑟與珊瑚壽藤靈草如山積

抵得成都藥市無

賣藥者
最多

幾處官棚似築臺

文武諸寮於市中詰奸糾
暴構棚居息謂之官棚

平明旌旆

出城隈連朝市令無人犯箠抵遊春一度回

畫曉聲中負載勞胡蘆市語太譁囂老晴十日雲如火

贏得今年雪價高

畫曉畫角也月
街多賣雪者

勝似龍街與虎街縱橫義鋪萬間排笠檐亂插山花重
時有蠻娃來買釵

青帘三尺映坡陀乳扇

以牛乳爲之

雞塲食品羅恰好鈎藤

新酒熟紅丁香裏醉人多

紅丁香高二三尺花極嬌豔蓋別自一種特名同丁香耳

後山淙淙一條澗前山廡廡幾雙田呼兒急買烏犍去

好趁雷鳴欲雨天

雷鳴田山田也月街市牛馬者最多

販來狔蒜亦艱辛市稅還勞吏筭緡但祝年年輸課足

長官邀客餞殘春

月街既罷郡守例設酒食以宴賓僚

提督羅公

思舉

構屋蒼山之半置酒落成

將軍昔平寇大小數百戰秦隴晨連營棧閣夜傳箭長

弓躍快馬叱咤陣雲變一從妖祲掃暢以

皇風扇旌幢來洱西軍實盡修繕開闢賓南交貢象肅
緬甸時清戎政閒結屋遂歡讌山聲發猛簾海氣晴秋
練蒼茫雲木間檣影逐輕燕非此高曠居安得衆妙現
清遊挾賓御高會逮僚掾把杯說生平結髮嗟少賤倥
偬事戎馬壯歲去如電偶然脫百死而更受殊眷醉中
看刀瘢感激淚盈面西地控瀾潞萬里懸一綫倫文與
經武二者道何先我豈守土才專城享清宴憑高一舒
眺千耦春田田太平匪易致清景良可羨願傾一石尊
消此客懷倦

郡齋偶作

西緬南交北吐番東方一髮走中原世傳異姓諸村有
如牟姓矣姓山僭虛名五岳尊庭草無霜終歲綠蠻雲
字姓之類如獸逐風奔從來此地邊籌重玉帳何人細討論

蕩山寺拜楊升庵先生像

拜杖端門劇愴神山中來認畫中身朝廷議禮多傷激
忠孝原心始見真巴蜀茫茫悲故國丹鉛草草老斯人
宦遊尚墮蠻天淚憔悴行吟況逐臣

寫韻樓

轉注曾聞證古今寺樓猶見倚雲岑好奇終是才人病

送老真傷戍客心，回憶玉堂天上遠。
最憐江草雨中深，欲歸無日詩無侶。
我亦登臨感獨吟。江花與江草異國看春生升庵句

八月六日洱海觀打魚飲浩然閣同謝駿生觀察

崧宮庶侯明府思晉作

洱河環環如彩虹，秋鏡一碧新磨銅。
兩關雲氣浩來往，蒼峯浴影涵冲瀾。
村中漁兒三百戶，衣食盡在波濤中。
鳴鉦開網值此日，作氣爭曳萬匠篋。
大魚怒欲騰半空，可憐失勢不得雄。
小魚戢戢聚相弔，驚魂已落湯火中。
使君行政重止殺，物縱微細哀其窮。
鳴鼙動桂亦何取，爲樂肯以禽饕終。
千頭萬頭撒波去，軍法禽縱將毋同。

是時秋煖日正中朱旗不飈龍鱗風蠻歌四起簫鼓競
千檣厯亂如秋蓬須臾人影散鷗鷺衙巖高閣開簾櫳
平生戶小恥拒潑醉後放眼江山空段首蒙詔豈足動
慨歎但見水雲萬頃青濛濛

打鼓念經歌

麗江西北通烏斯藏喇嘛率經各擊一鼓柄長七八尺俗稱打鼓念經

大鼓長柄擊以藤庭列鼓百鼓一僧梵聲未止鼓聲起

雜以衆樂亂難理何者貴重兼金誇人頭作鼓脰作筇

合兩腰爲一鼓截膝肋骨爲筇價值白金數十兩

織罽被體非袈裟垂首閉目

復結跏喃喃六時番藏滿羶酥供養瘦瓢暖

經少間以木瓢酌牛

乳飲之

陪駿生觀察遊三塔寺

出郭見高塔披榛問戒壇春禽爭喚客野衲不知官巖
穴思雲臥蒲團悟水觀爐香山葉細旛影石泉寒拂几
空枰在迴旌夕磬殘未拋簪組累珍重暫時歡

花宜館詩鈔卷之三終

花宜館詩鈔卷之四

錢塘吳振械宜甫

古今體詩六十一首

起丙戌春
盡丁亥春

劉貞女詩

有引

松江劉全姑字徐驤雲驤雲死匿不以告而全姑已知之時母死父老病一妹尚幼全姑養老鞠稚身兼其勞洎父疾篤告以壻死當別字父歿全姑淒然曰曩所以不卽死者徒以老父在耳今若此其奉我母於地下乎遂自縊死

客言有貞女氏劉居松江徐生昔納采載書歷遐邇一

旦珠樹折鸞鳥不得雙父懼傷女心父匿不以告女心
測其故女面以淚沐是時女可死女曰死何速女當衰
親奉女當孤穉鞠竭歷供一餐十指血出漉父病出治
命父意欲活之青青者女蘿曷不施兔絲是時女可生
女曰死已遲反袂訣阿妹地下阿母隨蒼天何高高日
月何晶晶彼女何嫋嫋貫之以精誠貞風發感喟幽光
動崢嶸全軀歎薄俗全姑全其名

王禮堂夢穴圖

立官不立墓大夫葬陵葬澤義已蕪石槨啓嬰古有諸
佳城待沈云非誣或者前定數適符不許土物生覲覲

後來相地工獻諛富貴可俟如合繻枕中寶祕赤霄書
唵喃夢囈欺騃愚伊川涑水宋兩儒大聲疾呼詞非迂
起視薄俗生嗟吁忍借白骨謀妻孥王君潔養甘飢飭
生事死事兩不殊徵夢得穴山脈紆卜之曰吉神所輸
悠悠真宅魂魄居觸樹無鹿巢有烏繫我何怙身已孤
笠宅安得五患除出門旦晚心踟躕山南山北愁雲鋪

過秋農二叔父綠滿草堂

舊屋被焚
移居於此

眼前庭榭卽滄桑病樹支離戀夕陽蜀道山川勞入夢

叔父遊蜀甚久

韋家花木罷稱觴

先府君引疾歸里與諸叔父
時時以酒食相會爲樂自先

府君歿此

舉遂廢異書借讀癡猶在佳果分甘味最長苦說迴

年無十訣蘆簾深護藥爐香

客刺經旬不到門病中敲枕妥吟魂卻從鶴髮衰殘日
還憶牛衣涕淚痕屈指生平無長物關心昏嫁到諸孫
買田坡老成虛願空把農書細討論

題凌芥山

飛

春風啜茗圖卽送之新安

柳絲鬢影各青蒼毫蓋花瓷細料量萬卷胸中滌腥腐
雙瓶簾底試宮商客行南浦波初綠路入黃山茗正香
吟到石泉槐火句湖頭清夢定難忘

周南卿

三變

移居圖次自題韻二首

牛腰書卷載叢殘風雪移家氣味寒一劍摩挲結客早

百年貧賤閉門難老來直欲車輪毀病裏先謀藥鼎安
何必買山方是隱隔城山許上樓看

冷巷聊堪遠市塵頭銜已署白雲人葵菰急就春畦窄
雞犬還依故主貧慙寄此身原逆旅不嫌高價爲詩鄰
稚川畫裏風流在未學神仙趣亦真

與鴻治談詩有作

南州高士脫塵羈通介羞隨世態移秋客性情蛩獨語
故山消息鶴長饑造門獨肯從元禮操縵何須靳孝尼
淨洗人間箏笛耳牙鍾方信賞音奇

送王幼泉

景洵

還菱湖

餘不溪上路春水碧迢迢卻繞盤螺殿斜通繫馬橋連
村評葉價吳興人家呼桑直曰葉如洛中呼牡丹直曰花也快槩販魚苗知爾
還家日溪翁定見招

簡屠修伯 秉

蟲鳴以候鳥以時人人引吭鳴其詩聽真或亦雅鄭亂
無病奚用呻吟爲千英萬萼春豔姿不若松柏千尺枝
瓦雞陶犬豈適用況乃鼓植麒麟麀皮屠郎筆力毅強弩
老輩折節不敢侮錦織仙機百丈霞墨灑春林五色雨
詩氣咄咄逼阿翁琴塢前輩以詩娛翁翁不窮翁昔當官不
避事報國何時竟翁志神駒自有余吾種寶劍須求墨

陽利君不見房杜功名師大儒
買董文章祖經義清廟明堂待異才
明金綵羽原餘技

理安寺和壁間許玉年孝廉

乃穀韻

森然萬青壑徑斷出松關
孤磬有時發白雲吹滿山
苔痕引杖遠鳥態隔花閒
欲識枯禪意芒屨獨往還

松巔閣

入寺不見山忽已踞山頂
窗窗俯烟壑盪以萬松影
迴峰曙光障鐘動鳥未醒
泉紆韻幽絃雲香養新茗
偃竹開午陰白日上階冷
余性耽巖棲矧此衆妙并
俗骨佛豈憎彼法自平等

初夏湖上

樹色籠湖尾，閒閒有幾家。
泥痕迸荷葉，風影亂楊花。
蓋飯鄰僧乞，村船稚子撈。
石瓢能款客，新擷本山茶。

紫薇花下作

紫羅碎剪分千纈，拋入園林豔妝飾。
不教移種到湖堧，恐被芙蓉妒顏色。
團扇風前吹細香，一春無此蜂聲狂。
低枝礙檐花不著，嫣然照射皆花光。
涼雨一洗紅滿堂，紫薇一名滿堂紅愧我相對非省郎。
深杯豔豔浸花影，一笑吸盡流霞觴。

戲題高小雲種紙圖

高生下筆輒滿幅千紙萬紙意不足春風一色展新牋
笑指芭蕉碧於玉斐几斜鋪露氣新墨池倒映烟痕綠
此時渴殺秋兔豪筆法欲奪鄔兵曹天台丈人竊旁睨
十指氣出騰虬蛟據案颯颯走風雨絕似敗葉鳴涼宵
吁嗟乎龍陽之甘千匹絹渭川之竹千戶侯不然種秫
五十畝釀酒亦可消煩憂厄菑薑韭皆不顧乃以種紙
爲奇謀研田惡歲勞不酬老矣禿盡中書頭高生高生
其誰尤

汪小米

遼孫

松聲池館勘書圖

君家屋外松身粗水窗面面涵清虛藏書四世過百載

積軸豈止三十車英華含咀樂有餘
仡爾養真衆所迂

頗聞篤嗜在經典短檠照影忘饑飢

時輯經典釋文補

陸家三

秩細參檢視痕燦燦朱墨俱土音敢笑古人誤

毛居正謂陸氏

多土音

別讀詎謂諸家無掇殘補缺意良苦考證彷彿姚

江盧

抱經先生

近時文人不好學枵然朽腹如瓠壺羽鹽神

石昧反語音和類隔皆模糊席下爲帶析旁片顛倒惡

札紛鴉塗馬鄭孔賈不復見異文異訓誰爬梳科名入

手姓氏重石渠天祿誇通儒鏤冰畫脂但文藻撮囊視

肉尤駭愚耀金帶白被紫朱杖杜伏獵相擲掄翻持經

義出相士曲針腐芥將何如吁嗟乎通經致用安可誣

卷圖還君心踟躕

修伯用賈島攜新文詣張韓途中成詩韻見贈卽
用元韻奉答

屠生習詞翰二十骨已老心與世緣空語避曩賢道譬
諸走得獸引繳欲陷腦顧我辱相知彈毫送幽抱緬維
古不朽自處非草草豪傑今爲誰他時一推倒

偶興

薇花紅褪小園香苔葉青堆曲檻荒江上魚龍潮正壯
枕邊蟋蟀雨初涼看多世事忘嗔怪坐久詩心入莽蒼
一室靜便聊自喜豈嫌長住涸陰鄉

重九後一日南卿招同胡書農

敬

屠琴鵬

倬

兩前

輩黃薌泉

士珣

茂才飲包氏息園分韻得人字

次日有茗溪之行舟中賦寄

移居近我新投綯把袂如君快飲醇佳節怱怱成逝景
故鄉落落數閒身伸眉且縱衙庖樂開口難逢插菊人
酒史食經蒐討細只嫌不稱庾郎貧

十笏虛堂清似水羣公佳話妙如神題襟便訂雞壇雅
祭酒偏虛鶴髮人

是日張仲雅先生不至

鳴雁江湖秋夢短扁舟

葭亂曉霜新知君火急詩逋督爲掬清茗滌硯塵

菱湖

菱葉菱絲露未收
輕船只許放中流
遙看蜺子灘前月
雪鷺斜飛幾點秋

苓山

苓山撲地臥蒼烟
破寺南朝不記年
一夜面山樓下雨
秋聲吹滿十三泉

洋里

漁村殘柳淡斜曛
葑里依稀記舊聞
溪水不波秋更碧
荻花飛上侍郎墳

勿庵少宗伯
墓道在焉

小輞川

曲曲蘭干小小樓
舞衣歌板說風流
人間幾度秋風換

蛺蝶飛來未解愁

雲怡道院

金盞山前日落時
枇杷泉上獨吟詩
碧鸞一去無消息

空向仙人乞內芝

院內設
壇

姚春木來杭州因爲此歌

歸雲堂中一叢竹
我昔攜簞眠新綠
近來枝幹盡憔悴
但有雲歸檐際宿
雲歸主人長不歸
十年飄泊知何依
殘燈讀書意不樂
世上療愁無上藥
血繡花從劍上看
白頭夢向鷗邊落
家無寸土何處耕
性命安能長饒託
前年鶴拓城誦君
二哀詞麻衣皚皚
涕漣漣而一百十日

慘魂魄山行豺獍江蛟螭故廬相去五百里望而不見
空愁思打門忽逢君鳴雁聲正苦頭毛蒼然雜塵土君
長於余年十五白水明明照肝腑往事同歌行路難窮
途未免荒傖侮千秋姓氏恥沈淪日月西奔奈何許西
湖水落霜鏡平於此可以恬心情太守張兄允能飯客
載酒呼君盪湖碧勸君一飲須一石世短心長亦何益

琴鳴潛園吟社圖

聖明特詔除官日憂患餘生謝病時十社琴尊追老輩
六橋絃管被新詩忘年我已傾郎舍令嗣秉亦工詩倒載人爭
向習池魏闕江湖心一寸行藏惟有鷓鴣知

春木病起以詩見示依韻奉會

幾疑客死似東坡華髮尊前恨轉珂
未業漁樵生計誤偶傾肝膽罪言多
扶攜健僕藤三尺蹉局枯窗繭一窩
迴憶余山無限樹歲寒相待綠婆娑

修伯觚庵讀書圖

青燈涕淚讀史白髮窮愁著書不識字
人快活梅公語妙何如

意與古人合否書定前生讀無半日靜
坐何事料理花觚酒觚

弔宋通問副使朱公

并墓

龍髯馬角語酸辛九死冰天義不臣抱卬此心蘇屬國
題碑遺命宋行人薄酬苦節還遭忌遠護眞容定有神
和議已成金幣盡生還添得淚痕新

臨平道中

擊汰上河路挈音靜不譁山光抱桐扣人語出蘆花漁
火一村遠蟹簾秋港斜明朝卸帆處遙指海東霞

遊海昌陳氏安瀾園五首

故相風流替平泉尙有莊近依城一角亂插樹千行徑
轉紅亭出山橫翠鴨藏盛時曾眼見鄰叟話斜陽
紫軟南巡日旂旂肅扈從如排

御前仗猶有舊時松嵐翠亭前活筠香袖底濃到門看

寶墨兩字辟蛟龍

園門懸安瀾園賜匾

過客重陽後登樓海氣晴亂雲拖石色高樹倚潮聲
路紆迴入蘋波斷續生迂倪與顛米慘淡爲經營

水淨芙蓉豔天陰薜荔肥榻凝塵寂寂壁坼粉微微井
塌蛩初語糧空鶴不歸春秋追勝賞遊屐近今稀

近年惟花

朝中秋重陽開園放遊人三日

煮茶留過客蕭灑相公孫

是日見陳君雲藩

受月吟窗大披烟

釣石溫琴聲枕秋澗松影護閒門羨爾專邱壑何時共

一尊

聽篁圖爲沈編修鏐題

一莖一葉皆有情不風不雨皆有聲蕭蕭寥寥亦何意
世上萬響無其清江南何時買竹屋屋只三分七分竹
茶聲沸處竹聲來日腳垂簾睡方足橫膝不須張素琴
吾廬自有太古音美人雲端戛玉佩望而不見瀟湘深
但當無事一長嘯飛下碧鸞空際吟聞君欲向京師去
北土高寒竹難過箏琶滿耳殊惱人開卷空看捲蒼霧

沈聽篁曾經滄海圖

麒麟颺息蜃雲開靜把洋更細數來九十九峰飛過眼
不知何處是蓬萊

十洲迴首渺愁余青鳥猶來問起居
眼底西湖杯樣小
賦才孤負木元虛

南卿出示柳如是所藏唐鏡

鏡背銘曰照日菱花出臨池滿月生官看

巾帽整妾照點粧成

漫爲薜蘿惜歲華

薜蘿柳小字

點妝重向阿誰家模糊照盡

春顏色道是楊花又柳花

徐佛盛澤鎮之名伎徐嫁而婢楊愛以色藝名乃出徐

上後變姓名爲柳是

狎客南朝鬢已絲五湖一舸去偏遲
書樓惆悵開窗處
巾帽翻新又一時

汪少海明府

仲洋

出棧圖

十六年前出棧來

予於辛未年出棧

青天獨客聽猿哀當時風

雨如聯騎千里江山共舉杯宦興冷於湖舫月鄉愁濃到草堂梅儻吟卷裏鏗旬句舊夢驚回萬壑雷

鄰巷陳叟種菊已三世矣花時往觀爲作一首

栽菊得良法花頭爾許佳一庭秋氣味三世好生涯

字懷先輩

案上詩二冊多里中耆舊看菊之作

烟鐘聽隔街

街前爲僧寺

衝泥

看不厭漫惜筍皮鞵

換色芙蓉

朝看淺碧含烟嫩暮見深紅著雨妍不鍊神丹能換骨十分狡獪是花仙

鯉魚風起不得住衰草玲瓏覆曲欄一樹團成秋似錦
怕教檐雀說荒寒

酬琴鳴病中見示之作

早歲詩輕萬戶侯今從林下見真休一微塵裏銷千劫

尺幅圖中隘九州

君善畫

天上夔龍虛汲引燈前魍魎狎

窮愁道南推宅風流渺空對鶯花話舊遊

道光初元大
臣保薦

特擢袁州守而君已卧疾不出舊
有潛園吟社圖今園已鬻他姓

漫從九籥問仙籟小極翻教眾慮輕老矣眼中誰健者
赫然身後亦虛名苦心入道甘憂患故侶留詩半死生
此日迎冬酒初熟澆愁須盡一經程

十月十五日書農琴隲兩前輩劄庵南卿茂才集

小羅浮山館次南卿韻

添酒與君歌擊槃坐中吟骨瘦
纔纔人生偶作閒雲聚
天氣纔過小雪寒
新稿傳觀如洗玉
舊墟深戀暫投冠
陶然此意誰能識
豪貴方誇畫轂丹

雪中送虹野北遊

人生如月輪忽忽圓復缺
雞鳴送行人風吹一帆雪
負才壯未試謀食貧益拙
幾日渡黃河愁似河冰結

湖上寺

寺後山千笏寺前波一匳
禽聲大歡喜雲氣妙莊嚴
剔

薛客題壁看花僧捲簾淹留遣永晝續續戒香添

汪少海招同錢次軒丈

杖

書農琴鳴春水泛舟至

孤山看梅

春聲出樹鳥喉活軟波搖風綠無骨畫船人在鏡中行
況有梅花滿雲窟沿山密葉椒眼排拂水新梢琴甲凸
直上巢居閣上看一片花光似銀闕此時四座飲興高
浙鹽麴雲漲瀛渤主人罷官鬚鬢蒼西望蜀道青天長
好花滿眼杯在手莫更題詩寄草堂

第三歲日吳兼山

嶠

判官過訪

清才大抵厭風塵荒廨開盤又莫辛嬾謁熱官尋冷客

怕經新歲感陳人臣饑欲死東方朔兒視能詩賀季真
贏得頭銜誇令僕年年管領六橋春

山茶

蜀茶看後看滇茶幾度狂遊紀歲華今日草堂春寂寞
破盆殘雪不開花

蜀江歌贈少海卽送之甘州

西川節度開幕府幕客重文不重武聞君長揖氣甚豪
拓戟高歌筆如虎太白東坡骨俱朽蜀中山川落誰手
我時思君不得見欲騎日月向西走蜀江東下何迢迢
入海併作錢塘潮君來作令吟更豪吟聲卻門潮聲高

人生仕宦不稱意楚弓得失真兒戲

少海時以事去官

誰家砥

鼎有神丹雞犬升天太容易篋中蜀錦三尺強笑喚孺
人裁作囊不盛青銅錢惟有佳篇章篇章亦如蜀江水
洗濯錦段生光芒世間武庫皆凡鐵破硯爲爐鑄心血
爭看龍文寶鼎成偏憐虎氣干將折白馬黃金銜去去
不得歇途窮豈敢怨行路去看淒涼隴頭月明月照甘
涼河流一綫黃神仙釀作崑崙觴秋霜夜拂崑崙頂王
母梳頭雪垂領十二樓邊銅柱傾冷落瑤房見星影我
欲攜君飲於此一醉千日不復醒吁嗟乎落日西風關
隴塵蜀江不見峽花春青天萬里阻歸夢夜夜子規啼

向人

周禮伯 天秩 堂北讀書圖

文安遊學日
歐里擇鄰時
襦袴韓康伯
韋弦杜泰姬
飛騰年少易
報禽此生遲
霜露悲何限
孤檠爾定知

秋江采魚圖

黃棠字思蔭
薌泉明經仲
父爲詩師丁
龍泓善畫家
藏秋江采魚
圖繼而失之
後乃在吳君
次歐所薌泉
以雍乾間名
公詩札三十六
幅易歸屬題
此詩

十五五蚱蜢
舟長又巨網
江中流寫上
三尺好東絹

晴窗風捲菰蒲秋青山頗似富春渚或者龐老魚梁洲
是誰落筆深畫理龍泓山人詩弟子畫成去隨赤鯁公
畫亦變化神靈通遂令門前一江水漁榔空逐潮聲東
幾年尺幅求始得歸我鄆謹拜大德旁人拍手笑癡頑
此豈饑寒可衣食展卷摩挲三太息微意兒孫當省識
君不見老漁一醉無他愛世守青蓑貧不賣

小艇

小艇載漁具村村路不迷蘆花滿篷背昨夜宿西溪

春日與秋牧六叔父嘯雲弟至湖上有作

風捲柳花飛滿湖半烟半雨最模糊
忽忽村社有新燕

泛泛小舟如野鳬吟筆入春多麗思故鄉終老是良圖
只愁又被饑驅去且爲啼鶯盡玉壺

將入都書農薊泉琴塢小米南卿餞於汪氏松聲

池館

蘇公欲買陽羨田投老無亭題楚頌我亦江鄉半畝無
食料年年筭齋甕未容林壑竟充隱冀活妻孥惟請俸
獨憐冷骨不媚媚只餘癡腹殊空洞身非珍鳳致千仞
心媿神龜藏六用年來開徑得三益頑鈍時時仗磨礪
賦成王筠頗能讀酒熟公榮呼與共殷勤惜別更祖道
餘杯婪尾春同送

余以三月二十七日行

但道風塵多苦辛不將

猿鶴供嘲諷得歸爭肯負湖山黃髮相期各珍重

別莊芝階

仲方張仲甫應昌

良士匪易致矧乃鄉縣同獲從諸子遊青蒿倚長松有
如韓與孟矢願雲與龍結束今安之錦帶拂春風酒徒
昨招我花落燕昭宮飛蓬一以振安能識西東參辰不
相比搏沙歎無窮仰慚鍾牙契俯媿求羊蹤會合固有
期恐已成衰翁

秋圃四叔父宅雜花盛開口占二絕句

一官曾落萬山中瘴藥愁看刺眼紅

叔父嘗官滇南

老臥柴門

花影裏興來不放酒杯空

雨餘短巷屐痕新，侵曉來看不厭頻。
許折繁枝歸獻母，一家春作兩家春。

荅丹徒楊子堅秀才 鑄

江上蕭條屋數椽，金焦風雨蒜山烟。
論才肯落子安後，成佛定看靈運先。
野馬撲緣經眼散，春鶯鼓吹入詩圓。
殷勤爲訪西泠勝，花柳因君一倍妍。

昔元人朱世字希賢有鯨背吟，紀所歷海洋山島，
與所聞見徐伯齡蟬精雋載之。近吾杭汪翼滄
賈於海外，著日本碎語一卷，備述彼國山川風
俗物產，頗詳悉，亦名袖海編。

客自長崎畧畔來袖中東海一編開見聞亦似吾妻鏡
史館他年好取材

杭鄴署土地神相傳爲蘇文忠公集公詩語爲靈籤
公天人也詩多禪悟喜丹術降心言之亦非仙卽佛耳
奈何以此瀆公乎京師翰林院署以韓文公爲土地其
不經正相類因賦二十字生前遭遠斥死後辱卑棲如
何磨蝎恨生死似昌黎
荅吳江陳訥庵秀才

聞道陳無已苦吟常閉門西泠偶乘興雲水澹忘言
睡起盡殘酒春深懷故園垂虹亭外路花絮亂黃昏

湯雨生副戎

貽汾

招飲琴隱軒卽席賦贈

清談馬槩稱華簪更向陰何苦用心芳樹初花春命酒
疏簾得月夜調琴一生愛客情無限先世傳詩教本深
史乘好徵忠節事江湖爭唱斷釵吟

君大父大奎官鳳山令殉林爽文之

難父苟業亦從死焉

母夫人幼工詩既

喪斷棄筆墨暮

年感事爲斷釵一章君出示賓客詠其事者凡百餘家

花宜館詩鈔卷四終